



# basic education

Department:  
Basic Education  
REPUBLIC OF SOUTH AFRICA

## NATIONAL SENIOR CERTIFICATE

IBANGA LE-12

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

FEBRUWARI/MASHI 2015

AMAMAKI: 100

ISIKHATHI: amahora ama-2½

Leli phepha linamakhasi ayisi-6.

**IMIYALELO KWABAHLOLWAYO:**

1. Leli phepha lehlukaniwe IZIQEPHU EZINTATHU:  
ISIQEPHU A: Indaba (50)  
ISIQEPHU B: Imibhalo emide edlulisa imiyalezo (30)  
ISIQEPHU C: Imibhalo emifishane edlulisa imiyalezo (20)
2. Phendula umbuzo OWODWA esiqeshini NGASINYE.
3. Bhala usebenzise ulimi ohlolwa ngalo.
4. Qala umbuzo ngaMUNYE ekhasini ELISHA.
5. Bhala uhlaka (lungaba imephu/idayagramu, ishadi lemicabango, amagama asemqoka njll). Fundisisa bese ulungisa amaphutha emsebenzini wakho.
6. Qiniseka ukuthi ubhala uhlaka ngaphambi kokubhala indaba yakho.
7. Uyayalwa ukuba usebenzise isikhathi sokubhala ngale ndlela elandelayo:  
Amaminithi angama-80: ISIQEPHU A  
Amaminithi angama-40: ISIQEPHU B  
Amaminithi angama-30: ISIQEPHU C
8. Ungazishintshi izinombolo zemibuzo. Zibhale njengoba zinjalo ephepheni lemibuzo.
9. Bhala izihlokwana ezifanele lapho zidingeka khona.
10. Ungazibali izihloko nezihlokwana lapho usubala inani lamagama omsebenzi wakho.
11. Bhala ngobunono nangesandla esifundekayo.

**ISIQEPHU A: INDABA****UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240.

**QAPHELA:** Bhala uhlaka lwendaba yakho lube sekhasini lwalo lodwa.

- 1.1 Indlela Engiphila Ngayo Nabangani Bami. [50]
- 1.2 EziFundazweni (Provinces) zaseNingizimu Afrika asikho engisithanda njengalesi engikhulele kusona. Bhala indaba ngesihloko esithi: Engikuthandayo NgesiFundazwe Sami. [50]
- 1.3 Bhala indaba ozoyinika isihloko bese igcina ngalawa magama alandelayo: ... ngilapho engikhona namhlanje ngenxa yokubekezela. [50]
- 1.4 Angeke Ngiphinde Ngikwenze Lokhu Empilweni Yami. [50]
- 1.5 Ukuhambela Kwamanye Amazwe Usemncane Kuvula Umqondo. [50]
- 1.6 Khetha isithombe ESISODWA kulezi ezilandelayo bese ubhala indaba ngaso. Nika indaba yakho isihloko esifanele.

1.6.1



[Sicashunwe ku-Destiny Magazine-2013]

[50]

1.6.2



[Sicashunwe ku-Drum Magazine-Okthoba2013]

[50]

1.6.3



[Sicashunwe ku-[www.googlepictures.com](http://www.googlepictures.com)]

[50]

**AMAMAKI ESIQEPHU A:**

**50**

**ISIQEPHU B: IMIBHALO EMIDE EDLULISA IMIYALEZO****UMBUZO 2**

Khetha isihloko ESISODWA ubhale ngaso kube ngamagama angama-80 kuya kwayi-100.

**2.1 Incwadi yokukhononda**

Uthenge ikhekhe edolobheni. Uthe uma ufika ekhaya wathola ukuthi selonakele/libolile. Bhalela uMphathisitolo (Manager) incwadi ukhononde, ucele nokubuyiselwa imali oyikhokhile.

**[30]****2.2 Umlando ngomufi**

Umzala wakho ushone ngemuva kokugula isikhathi eside. Umndeni ucelele ukuthi ubhale umlando ozofundwa enkonzweni yomngcwabo. Bhala umlando ngomufi.

**[30]****2.3 Irivyu/Isibuyekezo**

Bhala irivyu/isibuyekezo sencwadi oke wayifunda. Veza yonke imininingwane ehambisana nokubhalwa kwerivyu.

**[30]****2.4 Inkulumo**

Umngani wakho uzoba nomcimbi wokugubha usuku lwakhe lokuzalwa lweminyaka engama-21 (21st Birthday). Ukucelile ukuthi ukhulumele abangani. Bhala inkulumo ozoyethula kulo mcimbi.

**[30]****AMAMAKI ESIQEPHU B: 30**

**ISIQEPHU C: IMIBHALO EMIFISHANE EDLULISA IMIYALEZO**

**UMBUZO 3**

Khetha isihloko ESISODWA ubhale ngaso kube ngamagama angama-60 kuya kwangama-80.

**3.1 Ikhadi lesimemo**

Udadewenu omdala uziphathe kahle. Abazali bakho bafisa ukumenzela umcimbi wokumkhulisa bakhombise injabulo yabo. Bhala ikhadi lesimemo umeme izihlobo nabangani ukuzojabula nani ngalolu suku. [20]


**3.2 Iphosikhadi**

Uhambe nabangani bakho naya ekhempini. Bhala iphosikhadi wazise abazali bakho ngohambo lwenu. [20]

**3.3 Inkombandlela**

Uthe uphuma esiteshini sesitimela (Train Station) wamiswa umshayeli webhasi ebuza indlela eya esitediyamu (Stadium). Sebenzisa le nkombandlela elandelayo ukumyalela ngokulandela imicibisholo: [20]

**INKOMBANDLELA**



[Icashunwe ku-[www.googlemap.com](http://www.googlemap.com)]

**AMAMAKI ESIQEPHU C: 20**  
**AMAMAKI ESEWONKE 100**